

湖湘

吕肃高 修 张雄图 王文清 纂

乾隆 长沙府志

二

湖湘文库编辑出版委员会 岳麓书社

文库

〔清〕吕肃高 修 张雄图 王文清 纂

乾隆长沙府志

①

湖湘文库编辑出版委员会  
岳麓书社



名宦

明

吳道行濱洲進士萬歷中長沙知府和平精敏在官九年民安物阜俗易風恬尤以作人爲念歲進學博文行兼優者居陶公祠取各庠俊士肄業其中仍捐俸月給廩餼人文丕夔多以學行顯各士有賢而貧不能喪婚者率捐金助之

周懋相安福人萬歷中長沙推官文學高華才猷爽

朗司理解枉蘇滯巡察剔弊董奸遇事風生衝文

長沙府志

卷之二十一 名宦

一

水鑑吳楚界聯取與甚嚴無敢懷刺謁者

羅維嘉定人萬歷中長沙知府時火旱頻仍甘霖隨

禱而至合郡有羅公雨之頌措俸征播民免加派

出手書以勸賢良勒文會以振士風虛懷友善清

苦自甘陞憲副民立特祠祀之

蔣希禹全州舉人萬歷中長沙同知詞賦名家經術

飾治四攝縣篆三視府事庭無滯案戶有絃歌清

湘鄉之積逋器丁夫之違輸值部院凱旋駐節兵

將雲屯以一人兼府廳長善四篆磨兵安民閭郡

寧謐時以文行電勉紳士歲科彙試尤稱得人泣



任八年陞安順守士民勒石志思

劉泉祥符人萬歷中長沙知府執法如山愛民如子

禁迨平甘淡素政簡刑清士民建生祠於南郊

何節漢州人萬歷中長沙知府敏幹清操以隻身游

任周期案無留牘繕城堡清賦役興學校覈屯伍

革陋規理訟雪冤却餽省費刻憲奉職弗計勞瘁

以疾殞士民至今慕之

關守茂河南人萬歷中長沙知府以敬行法以理御

情不事察察不事煦煦善良自安堂廉肅移犴狴

空虛儉服食革儀餽禮法嚴以課士擢江防道士

長沙府志

卷之二十一 名宦

二

民擬勒石建祠正色呵止其清不返名如此

甯繩武蘇州進士萬歷中長沙推官清貞練達長厚

嚴明與諸士論文循循如操臬座修復道鄉西山

二祠表揚先哲校試得人擢廷評去士民勒石紀

政以誌感慕

陳原道馬平進士萬歷中長沙知府才學優贍不爲

拘謹細行簿書一日五行俱下時用不測恩威吏

民畏而懷之

尚士奇廣昌人萬歷中湘鄉知縣邑中利弊無微不至

剔當水旱州仍緩徵池禁勸義民捐儲穀石詳請

將頭年南兌盡行改折條編存留者戒免五分以  
故民無遷移餓殍之禍創社倉建社學暇則與紳  
士遨遊山水賦詩贈答纂修邑志人稱博洽

陳美山陰進士萬歷中湖陰知縣年少習吏事老胥  
畏其英敏設立門簿編載花戶糧圖一清乾沒之  
弊並免鞭扑之苦至今奉行修養濟院以恤孤貧

刻課士錄以勵學者持法嚴峻杜絕干請禁止與  
販犯者立置於法

黃卓永豐進士湖陰教諭優於學問善於啟迪

胡大臣浙江舉人知湖陰縣憐馬遞之苦躬自當之

長沙府志

卷之二十一 各宦

三

不以累民六年之內吏胥民安固圉空虛時有胡  
青天之誼

朱志宜春舉人萬歷中瀏陽知縣念瀏賦重民貧教  
以敦節儉勤耕桑而示儉先自胥役始見有寬衣

大袖者卽命當堂剪裁之有着絲履者詈責之御

民以誠待士以禮追徵間施鞭笞輒為泣下任不

滿三年懸印綬於堂微行隱去

葉大受餘姚進士萬歷中瀏陽知縣尊崇學校致勵

廉恥聽訟片言立決催徵寬嚴有劑廉明彰聞惠

咸並若撫按交章薦之陞北京兵部主事

馮祖望武進進士萬歷中瀏陽知縣甫下車亂逃亡  
滿目遁賦十五六萬遂躬履阡陌踏勘田土歷任  
未半載有荒蕪逃絕浮糧之請瀏民七苦八難之  
請革漕運回頭之請清查自餘隱米之請各上官  
皆器重之後陞戶部主事督餉五省

徐希明上虞舉人萬歷中攸縣知縣蒞任數年丈田  
清賦貧者無無田之糧清江西界田豪民無無糧  
之田學官義倉舖遞橋梁凡有閭利弊無不悉心  
創舉纂修縣志學宗宋儒記各宦

長沙府志

卷之二十一 各宦

四

峻遠近肅然以丁憂去後拜御史與都御史楊漣  
左光斗首發魏璫之奸同赴詔獄直聲大著

楊惟相豐城人萬歷中以刑部員滿茶陵知州撫馮  
雁慎犴狴剪獲梟居官六載抱案之吏無敢藉聲

竊聲噤噤民問者

王德坤烏程進士萬歷中益陽知縣崇文教修武備

均徭役調停里甲賑恤災傷造文峯塔修築鞞城

士民賴之著有清署集累官太僕卿舊有生祠

董翼合江進士萬歷中益陽知縣廉明剛正實惠及

民縣東鄉多水患請捐穀募民夫築堤延袤三萬

餘丈湖鄉類之著資陽末議行取御史舊有生祠  
曹司忠武陵人萬歷中善化教諭嚴即之温  
諸教先倫紀重各檢嚴課試不不率教者

令修垣舍置棹樓以備公用非公不干有司諸生  
有受枉者必代爲昭雪鑄造聖廟銅爵鐵盂盞盞  
籩豆開地建門監坊題額皆捐俸爲之

徐漢翼永州人萬歷中府訓導學問該博日督諸生  
講釋子史課藝惜陰書院供飲僕給筆札士子中  
婚檢不給者周助之

勾仕仲新繁人萬歷中長沙府學訓導博學宏才按  
長沙府志 卷之二十一 名宦 五

期會課躬事筆硯耿介端方允爲士範  
彭宗旺盧陵舉人萬歷中善化教諭風規嚴峻文氣  
高超課校諸生品騰精詳尤崇節義奉旌修志撰  
，次有法

胡東陵曾定人萬歷中湘潭教諭穎敏尊嚴訓士有  
方工書法法器典籍之屬靡不釐正生徒俊異者  
必召至齋舍親加督課口授經旨一切餽贖概謝  
絕之聘試中州得人稱最

陸寬揭陽舉人萬歷中善化教諭長才績學風度肅  
整工詩文問奇考業者屢滿戶外總裁縣志筆削

精嚴旋丁艱去後任永福以勞致疾卒  
方清浮梁人萬歷中安化教諭高才遠養卓志高標  
創修邑志允稱史才

華宗孔黃岡人萬歷中湘潭教諭襟懷坦易不以纖  
芥累其心與士談經終日不倦制藝擢管卽成暇  
卽招呼及門風雅觴咏如坐春風

張邦禎四川人萬歷中長沙府學訓導遠抱宏才端  
軌雅範臺使特薦陞任去  
馮應鰲香山人萬歷中善化知縣新邑治學宮振興  
文教時清丈地界躬展印畝夙弊盡除在官六年

長沙府志 卷之二十一 名宦 六  
不攜妻子清苦如寒素以內艱去士民立石志感

黃學曾南海進士萬歷中醴陵知縣潔已愛民釐姦  
剔蠹建義舍興學校政績茂著行取御史陞光祿  
丞以建言落職

李仕亨銅梁人萬歷中善化知縣慈仁精敏時遭旱  
疫煮粥施藥力請蠲賑郡人賴以全活置義塚取  
燔廢禁圖頗有被枉羅辟者詳請立卹之嚴寒途  
遇丐者輒予以衣不尚敲扑不苛贖緩興學造士

溫萬親人歲時遍鬪貧生歷任五年陞主事不能  
具裝士民勒碑建祠後祀名宦

蔣時馨蒲田人萬歷中湘潭知縣真率而易人不忍欺糧銀聽民自兌不假里收訟者先閱其辭明日盡還之姚為警解叩頭去者十之七八訟庭閒寂監獄空虛旋以艱去民甚思之

王京祥祁門人萬歷中湘陰知縣精敏仁惠惟任真誠遇災荒亟加軫恤謂民種植丈田不擾竟以勤勞致疾卒觀歸行李蕭然祀名宦

黃仁榮南昌人萬歷中湘陰知縣政崇大體心尚廉平寓撫宇於催科剖決無滯賑饑蘇衝疲涖政五年多實政士民建祠祀之

長沙府志 卷之二十一 名宦 七

晏朝寅雅州人萬歷中醴陵知縣居心和易政尚清嚴按年排比痛革里長添搭却羨餘以克適員請免代編沔陽江夏各項銀米約七八百兩不避權要不媚上官燭奸釐弊令行禁止在任八年各邑沾惠建梁江橋創文星閣新學宮勸文課優恤諸生尤稱作人邑人特祠祀之

葉震亨寧鄉教諭通而不隨貞而不諱嚴考校詳定等差造就有方癸卯應聘山東陞應縣令岳州同知後家於寧

陳有典寧鄉教諭甫蒞任卽集諸生於學宮親督講

誦寒暑不輟性剛介安貧却費卒之日不能具殮邑令及合庠踴之觀始得歸

毛可教西陵人寧鄉教諭雍和端雅敷教精勤加意寒畯載酒問奇者輒盡所懷胡懋進張翼從受春秋皆成專家陞碧山知縣擢戶曹子祈蕃庚辰進士

向起升富順人萬歷中知湘潭體不勝衣語啍啍不能了而泣事精勤實心辦理催科不擾官署城池整飭一新

鄧雲龍貴州人萬歷中長沙知縣風格高爽清貞自長沙府志 卷之二十一 名宦 八

矢微賦聽斷緝盜不事苛刻敏幹如流虛懷友善人文蔚起歲旱步禱中暑暴卒貧不能歸榷府守及士民共捐助之入名宦

趙彬河南人萬歷中長沙知縣老成練達因戶口流移隱躬勻圖均賦荒田不可開者另為糧冊緩征之招流盡歸縣治孤懸郡北奸盜靡駝方請當道捐俸緩遷之城內毫不累民

胡汝政井研人萬歷中攸縣知縣清簡端嚴有富家說賦者力均差役時礦使騷動汝政婉却之不至為害滅紅船毀淫祠善政多端加意人才賑恤寒

士尤感之

施堯化雲南人萬歷中湘潭知縣覃思利害邑有青  
稔某頑悍陰刺卒吏書佐下至盜賊死囚皆如同  
氣意有所斷立中以法能為公私印璽郡國文書  
上官符教真偽不可辨堯化擒得之置以大辟合  
邑稱快

姚之騁桐城人萬歷中湘潭知縣性剛直政在惠民  
以勞瘁沒於官不能成殮紳衿出衣帛襚之監司  
王志遠捐助歸其喪

陳宏乘南海人萬歷中善化知縣政尚嚴毅內實和  
長沙府志

卷之二十一 名宦 九

平力清賦役嘗因馬遞驛擾議立官馬條陳甚悉  
旋以疾卒於官祀名宦

陳格言吳江人萬歷中善化知縣明敏練達張弛各  
中機宜重學校培養人才以驛遞疲民議復古路  
力為申詳士民咸戴之陞任江寧立碑志感

唐源錢塘人萬歷中善化知縣文學兼以經濟實意  
愛民悉心釐弊常條陳四利議開南湖港泊舟通  
商禁夫馬私幫以蘇邑遷之苦遭水兼疫力請捐

賑煮粥施藥全活者以萬計每月課士手自品評  
謀於諸生吳道行創修縣志六年考滿以勞瘁卒

貧不能殮士民咸捐資助之祀名宦

趙應期四川人萬歷中瀏陽知縣嚴以濟寬繁能居  
簡先是賦多民刁相率逋欠以丞簿分征阡陌間  
奸弊叢生應期力行禁止製勸諭詞令民歌之鄉  
城輸納者如鶩又因徵丁以糧戶口混亂復分別  
丁禪詳陳院道行全楚著為令

包鴻達秀水進士萬歷中湘潭知縣邑夙苦馬政解  
運極敝難理鴻達才性敏慧游刃有餘建塔及萬  
樓以覽形勝政暇與邑名公詩文贈答所集紀事  
錄綱舉條晰無利不滋無害不除至今頌之

長沙府志

卷之二十一 名宦 十

潘之楫瓊山人萬歷中善化知縣英敏果斷不避權  
勢民苦南兌北緡有至破家者之楫議詳民取官  
解每糧一石歲徵銀二分六釐以作各費民無科  
累至管都書差富戶管庫差使下鄉一切汰革性  
甘清苦以不合於時左遷去士民立石志思

張明憲湖州人萬歷中善化知縣愷悌精敏催科置  
甲戶冊絕積逋那後之弊聽訟則推誠解紛而持  
法無所假借在任二年心清如水

王綱寧國舉人萬歷中寧鄉知縣清剛強正有峭壁  
寒潭之目遇事綜覈井井井法不移時稱鏡面與

賢士大夫接見甚恭士之英雋者獎掖不倦五年擢守晉州行李卑薄民尸祝之

楊師程雲南人萬歷中湘陰知縣時用師於播楚蜀

壤接徵調驪然乃捐俸克餉厚置催役居者不擾

行者不怨著治標畧以見志大旨謂本治未然標

治已然長吏無拔本塞源之力姑治其標而已

王堯天晉江舉人萬歷中署寧鄉教諭絳帳經筵備

然自貴至卽簡俊髦數人朝夕淬厲之倡增文昌

閣於學右人言戊午後連雋者皆堯天造就之力

三湘間問業成就者尤多

長沙府志 卷之二十一 名宦 士

陶涵中秀水人安化知縣遷岳州郡丞後先皆有廉

惠聲以忤上官意左遷吉王長史靜穆恬淡道氣

迎人日坐一榻於深竹中彈琴賦詩蕭然自適輔

藩十一年朝廷褒吉王賢王益敬愛之奏加授參

議垂老攜琴書歸所著有清酣集

沈震龍雲南人萬歷中寧鄉知縣貌修偉頰悟敏捷

有神明之號當播州軍興調劑不擾遇民事談笑

解之如理家事御下藹而肅立里甲徵輸法六年

中無辟獄戍遣者優待士子公餘集文獻重修縣

志行鄉飲禮齒德宮牆廟社崇飭宏麗後以蜀郡

丞病免還過寧重叟爭相迎迓有泣下者

徐可行廣西進士萬歷中寧鄉知縣風流器達絕去

町畦爲政平易爽朗與父老子翁相得甚歡議調

繁曰吾樂寧俗淳樸而文願無以易凡六年陞戶

部主事鄉大夫九十翁陶顯功率士民建思馬亭

以懷之

汪大壯祁門人萬歷中寧鄉知縣性和藹真率表裏

如一衙舍蕭寂聽訟對簿輒飲人以醇六年擢黃

州貳守行之日無以具裝吏出贖云積逋贖若干

皆宜斂者又悉蠲之

長沙府志 卷之二十一 名宦 士

梅蕃祚宣城人萬歷中寧鄉主簿具俠氣毅然自好

日嘗晏坐與文士接談署縣事嚴正不苟督木札

上袁中郎爲賦督木行卒以忤時去官

徐與久臨桂舉人萬歷初醴陵知縣貞介嚴明有懷

政錄

王演疇彭澤進士萬歷中醴陵知縣調海陽在任二

載崇文造士約已便民培學宮龍脈華傾鉅積弊

調停丁餉首應征播軍需事平受賞

王啟明馬湖舉人萬歷中醴陵知縣廉潔寬和賢聲

茂著創四城社學士民皆就學焉陞德安同知立



有碑

張鑛福建進士湘潭知縣始至病亟若不任事語期  
期不了然性持重有爲人莫窺其涯際恐懼御史

累官至中丞

錢邦偉丹徒人以貴溪尹陞茶陵知州正直是持清

白自守威以愛用明以晦行定官收官解以便民

勤課多士寧謐清淨不愧循良

徐繼芳合肥舉人益陽知縣值大旱兼以疫癘繼芳

停徵租稅步行祈禱憂勞致疾卒於官

李良仕榮昌人善化訓導師範端楷圭角渾淡

長沙府志

卷之二十一

名宦

三

寡營課士衡文尤勤厥職

謝朝紀宜山人萬歷中善化知縣悃悃無華培植士

類蠶蠹弊酌徵賦井井有條不肯以趨奉疲民在

任六年陞延平府判有去思碑

喬光顧寧鄉人萬歷中善化丞志潔履芳獨甘清澹

一切時例力爲剷除篤愛小民留心學校未幾且

內艱去

陶世慤會稽人萬歷中善化縣丞舊例縣佐徵收解

運南兌有常規幫解及驗倉較斛下認加耗等弊

公毫不染指又申詳革除暇則延集文士談論不

飽偶受民詞或上司批訊必盡得兩造曲直而後  
已陋規絲毫不入在任六年陞分宜知縣後嗣嘗  
纓迭起人謂清白之報云

熊之彥桂林舉人泰昌時安化知縣小心敬慎每事  
躬親左右不敢爲奸與官幫蘇里甲士民至今誦  
之

徐人龍上虞人天啟中督學上八郡敏慧公廉科歲

兩試皆手自評騰日盡三百卷佳者欣賞逾格疵

者臨唱名輒能詳舉其詞或前試抑者後試文勝

則丞援之人有所請托則堅謝曰某已且不徇肯

長沙府志

卷之二十一

名宦

十四

狗人耶士習文風翕然丕變先是湖北每科溢額

人龍力爭科舉加號舍分騰錄是年湖南北中式

相巧未幾告養歸後以宗伯李騰芳特薦不起又

十年始召爲天津巡撫晉兵部侍郎祀名宦

邱志克諸城進士分巡湖南風紀肅然每集守令勗

之曰承平久矣有志者當思報國諸君優游飾文

治竊爲不取也尋陞布政使

林正亨福清進士天啟中長沙推官以經濟自負威

惠兪著除強暴平獄訟剔弊興哀勤課藝新學宮

美蹟至今不替以行取授兵科給諫士民建祠祀

文

周瑞豹吉水進士天啟中寧鄉知縣為政嚴明肅穆  
 不畏強禦當事欽其才望凡所興革無不得諸民  
 或陰受其惠而不知學官圮毅然修復不費公帑  
 一錢考最謬江陵擢兵科給事中卒以節義聞  
 陳文耀四川進士天啟中知長沙持已以正紛民以  
 禮示神獄立有臺閣風行取主事

程門徒井研舉人天啟初長沙縣丞初至見學官類  
 圮集庠士重修之作養人才勤考課循誘有方署  
 寧邑篆清操自勵士民立石江南之衢

長沙府志

卷之二十一

名宦

五

王秉乾四川舉人天啟初湘陰知縣嚴以律已寬以  
 愛人天啟二年邊餉累民核城中官地令民承買  
 得數千金克餉復泣告父老曰此可權救一時後  
 此民困將何所底餉院邱毛伯下檄褒之

蕭文中鐵嶺貢生天啟中判宜鎮南路與權瑞相抗  
 逮詔獄經年原釋准以原官起用時長沙糧捕兩  
 廳歸併一職命文中補授氣節稜稜徵輸撫綏寬  
 嚴金至以親老族單無家可歸僑居郡城

何仕紳華陽舉人崇禎中長沙推官清操愛鼎風節  
 夔然直指巡方重之稽察利病多倚仕紳疑情帶

獄無不爰吞攝中湘篆酌南兌均郵傳詔虛糧雪  
 冤禁三十餘人湘民莫不德之竟以謾被議去郡  
 人立石志思

楊筠蘆溪人寧鄉訓導敷教寬而有法不責贊儀三  
 年以憂去起復仍補原缺數年擢論湖北某邑寧  
 士立碑以奇思慕

陳汝誠錢塘人寧鄉典史當周石虬宰縣嚴束僚屬  
 汝誠思謹自守每捕盜絕少牽引遇民事温語釋  
 之督修學官勤慎將事以內艱去不能治裝留寧  
 逾期士民憐之助資歸里

長沙府志

卷之二十一

名宦

六

石公蔭漳州進士崇禎中長沙知府寬和樂易務協  
 羣情不事苛刻屬已幸屬政刑清簡時有石菩薩  
 之譏加意學校觀風課業甄拔稱得士調池州守  
 歷陞嶺西道

堵允錫宜興進士崇禎中長沙知府育才絕俗雅志  
 匡時與蔡周二公同寅協恭而臨政明斷目無盤  
 錯郡甚賴之入覲時賊破湖湘俘殺畧盡幸其再  
 泚民得少甦潭人至今思之

鄧承秀廣西舉人崇禎時長沙同知監紀湖北有聲  
 屬變時過長沙督師趙留知府廉平鎮靜適道兵

民喪亂之餘招集降卒數萬恬澹自若有長者風  
陞副使分守上湖南解組歸田自食其力

劉熙祚武進人崇禎中巡按湖南癸未秋衛三藩至  
衝賊至被執諸王走嶺表祚曰御史楚官不得去

賊迫其降不屈囚之至寧鄉宗師廟有言寧多義  
兵將謀奪巡按者賊怒磔之大戮寧人無算有僧

竊識其散瘞於路南渡後贈太僕寺卿諡忠毅  
按熙祚死所傳者不一或云死寧鄉儒亭或云

永州城而舊志載死宗師廟姑仍之  
蔡道憲號江門晉江進士長沙推官多惠政視民如

子衙首自署云窅人一字莫入此門窅人一事莫  
出此門崇禎十五年獻賊攻襄荆鄂等處長沙戒

嚴道憲竭力拊循八月賊陷岳州旋攻長沙道憲  
令士民出城追避身偕同官登埤死守八月二十

六日城破長協總兵尹先民降賊公北向再拜曰  
願死見天子乃大叱賊眾云寧殺我身毋殺百姓

賊敬之不忍殺道憲怒罵賊縛之罵益力賊又釋  
之如此者三揮拳擊賊賊怒斷其手罵不絕口復

截其舌割鼻矧目仍噴血賊面賊知終不可屈乃  
磔之就磔時以刃加頸曰蔡公忠臣肯一笑寢乎

長沙府志

卷之二十一 名宦

七

道憲仰天作笑狀賊皆流涕從役凌遲俊等九人  
從公不去次第就戮國俊與某某乞裏公賊藪黃

道門外醴陵坡上皆自經死賊退士民哀慕建祠  
大西門內事聞贈太僕寺卿諡忠烈

周二南蒙化人崇禎中長沙通判才畧英敏軫念民  
艱閭寇犯瀏陽二南督兵往救塵戰竟日死於陣

事聞詔贈太僕寺卿祀忠烈祠  
沈之煌長興舉人寧鄉知縣初示民以醇樸久而精

嚴強直鋒稜截如用刑峻斷無敢有通情者操履  
廉正絕暮夜金上官左右傳呼至者率傲岸折之

不得逞立比徵法為龍頭蛇尾冊出納之數率由  
中出銖兩不涌姦良不掩時多盜每起輒掄折筭

於賢士大夫權司寇主事  
余昇衢州人依而赴義為太守堵公客崇禎壬午從

太守禦賊梅湘之界夜雨賊猝至昇振槊上馬率  
百人與賊戰萬山間殺七人不勝而死太守哭之

建祠死事處又率寧人立祠祀郊題曰義士廟  
沈國浙江舉人寧鄉知縣才識通敏張弛有術特民

困征歛國善事上官能用權變以濟事接紳士一  
以和惠境內萑苻竊發設險飭卒民不被害旣考

長沙府志

卷之二十一 名宦

大

續以外艱去

梁翼震高要舉人醴陵知縣廉潔仁愛摘發如神泣  
任五載邑無逋負獄無重辟士民感之鐫碑建祠

陞雲南彌勒知州

吳逢翔晉江進士崇禎中長沙知縣政平訟理案無

留牘性喜讀書雖簿書執掌手不釋卷督季課所

反多知名士敦尚古學諸士以今古文詞相質者

庭履恒滿

趙玉成吳江進士崇禎中長沙知縣虛懷下士潔已

愛民人稱慈父未半載以丁艱去一時士民如失

長沙府志

卷之二十一

名宦

充

帖詩

史記言丹徒人崇禎中長沙知縣和易近民真誠造

士秉公執法嘖笑不苟陞陝州守流賊破城以身

殉難

吳士義常州監生崇禎末長沙縣丞到任未久獻賊

破城被執不屈死後入名宦又祀於羣忠閣

賴大雅贛州人崇禎中益陽教諭獻賊入山執之脅

從至再不屈正衣冠端坐罵賊賊怒斷其手死兩

旬面色如生門人窆於學後閩斗載其子扶柩歸

按邑志名大纒

李完珍山東人長沙府經歷崇禎末畧益陽篆時獻

賊寇長沙完珍以公務赴府至龍淵橋遇賊被害

楊一位臨湘貢生崇禎中湘鄉訓導時礦寇肅聚天

王寺一位與邑令募兵抗賊以計擒之修葺學宮

月課十子文風丕變一時脫穎者數人督學王永

祚嘉其才可用將薦於朝尋遷江夏諭

羅宇四川舉人崇禎中湘鄉知縣精明果決操履端

正憫各里甲圖多寡不均據里大小品均各甲衆

皆帖服聽訟公慎明決每片言出雖被責訶者退

無後言祠廟橋亭多所興建以誣被逮去日士民

長沙府志

卷之二十一

名宦

字

流涕送之建祠以祀

周庭瑚宜賓舉人崇禎中湘鄉知縣聽警善聽斷而

接下和藹不立崖岸憫豪猾侵隱致累小民凡輸

稅者皆令入衙自兌置廢竈於儀門外遠來者無

欺保之苦悞罹前任南澧解運被糸罷職帶罪徵

補新令蒞任庭瑚白板從事民感其德不期年南

倉課足上官奏罷新令復視事崇禎十六年九月

流賊陷城赴沅州請救土團擢作威福倡和殺人

庭瑚奉檄歸任與孝廉劉象賢論解土團不勞而

定陞南城兵馬以親老辭歸

高世泰梁溪進士澆廣通卷學道却巷其辰員才廉  
名公正祀名宦

余自怡徽州人崇禎中湘陰知縣著慎刑錄薄責必

記用重刑則加圖以誌時臨藍冠橫行長岳所過

屠戮自怡親率鄉勇防禦堵截冠知有備解圍去

榜枝起華亭人崇禎中湘陰知縣設勿欺簿手授耆

民詳註荒熟荒者設法蠲之尤長聽斷無微不悉

有兩母牛共引一犢爭辨不決杖起以三木囊犢

首母牛哀號抵觸作呼籲狀因以犢歸之崇禎十

二年寇圍長沙湘城已空同守者三五書役而已

長沙府志 卷之二十一 名宦 三

忽有差至知其為賊偵探設宴禮之引觀庫藏示

空虛狀其人放舟而去賊果不入

楊開潮州舉人崇禎中湘陰知縣獻賊陷長沙列城

俱潰開度不能支退守白鶴山召募鄉勇為恢復

計賊乘間執之誘以官不從脅以刃不屈因驅於

河妻子奴婢十七人皆溺死

趙廷璧河南人崇禎中以舉人知湘陰湘居孔道兵

馬絡繹民匿空谷廷璧念兵為民毒安民必先戢

兵因交權鎮將約束徧禪兵民相構歸罪於兵民

待無恐

吳士傑山陰舉人崇禎中安化知縣樸素慈祥省刑  
薄贖甲戌以禱雨致疾甚篤猶索紙書此時惡要  
兩數字投筆而死不及家事

黨哲四川拔貢崇禎中安化知縣潔己愛民精勤練

達時寇氛肆煽射率民兵勤復游騎剽掠躬捕治

以軍法兵皆畏服不敢犯境民賴以安兼署寧鄉

縣篆時龍王潭寇起哲入其巢撫定之有潰部數

百騎擄民婦女哲伴與諸將款鹿宅卷避舍驅入

公廨鎖而衛之後陞靖州道經邑治攀轅者相錯

於道以死難贈太僕寺卿

長沙府志 卷之二十一 名宦 三

周洪德興隆衛人崇禎中以封川尹陞荊陵知州屬

獻賊蹂躪後極意撫綏隨有楊盧武伯之兵借端

滋擾洪德駕馭有法調劑有方嚴束無賴兵民交

輯

邱有忠雲南人崇禎中寧鄉知縣時四郊賊起越期

賊破湖南存忠懷印避為姦探黎光烈所怨執赴

賊賊置酒付印再三令還宰寧存忠抗辭泣下罵

賊不絕聲賊怒縛去至道林殺之士民哀其死招

魂立祠於邑北郊以抗賊紳士周世美陶燧劉為

邦等一百三十六人配祀

韓忠勛武進進士崇禎中湘潭知縣才鋒穎銳所至輒有聲言動踔厲風發喜折剛摧悍一時豪猾骨慄以積勞卒於任

胡一龍長沙衛千戶崇禎十年臨武藍山寇攻長沙湘春門甚急一龍率衆守禦中矢死

杜嗣益浙江貢生崇禎中湘潭知縣鐵面碧瞳人望而畏字民禮士涵濡霑接如醇醪醉人遇時不淑

去官隱兩湘間懼園自給人憐而敬之戊子遭邏卒疾驅東渡相傳以病殂潭人有藏其詩畫者

王芳年貴州舉人益陽知縣以平恕聞

長沙府志

卷之二十一 名宦

三

施丙先侯官舉人益陽知縣愛民重士有去思碑  
林愈隆江陵舉人益陽教諭理學淵遠勵精訓課後陞知縣

劉大振侯官貢士益陽訓導與林愈隆同時教澤相  
姚陞知容縣

謝錫賢新寧舉人益陽教諭潛心篤學與諸生互相  
砥礪中丁丑會魁

黃文經江西進士湘潭知縣美風度飭威儀政務恢  
張延攬不修細畧尋以礦賊犯城被議去未竟其

尸

戴本曲江人益陽教諭博學工文濡筆立就疏財仗義士林咸服

李廷輔蒼梧舉人益陽教諭博學工文殫心教事模範端嚴士林宗仰陞石埭知縣

賀懋明丹徒舉人湘潭知縣美髯豐體分寬內嚴在官六年無災無盜與名賢文酒款洽瀟酒自如

朱三才嵩明舉人崇禎初醴陵知縣寬厚博達御事敏決時臨藍寇亂將犯境三才率鄉勇禦之賊遁

去治醴七年創書院修橋梁善政丕著喜與士子講學論交後陞戶部主事體民思之立祠以祀

長沙府志

卷之二十一 名宦

孟

蕭思倫涇縣人瀏陽縣丞美丰儀善詞賦崇禎初會署邑篆習知民困不忍苛刻邑人感之

毛脩湘潭縣丞時知縣包鴻逵創舉百廢脩以敏給佐之翁翁有聲是年解南運奉命悉公省餘糧還

報以資備運尋擢浙江金華令  
袁邨東莞人湘潭教諭言動不苟日與生徒講澆甘

泉性理之學人稱儒宗  
莊科晉江人攸縣教諭以博洽著尤精易理師生摯

受情義藹然

鄭恩貴溪人攸縣教諭行軌端方申飭學規振作士

氣不愧人師

高鳳山安溪人攸縣教諭董翼有方被其教者皆有

聲塲屋

張希戴順德人攸縣教諭和不流士薰其德不嚴

自化

李孚慶浮梁人攸縣教諭持身廉謹勤於課士敏廡

不蔽風雨安之若素

黃養正江夏舉人攸縣教諭淹通百家陰陽方技草

木魚蟲之書無不條貫士有問難據典徵古無疑

不斲

長沙府志

卷之二十一 名宦

五

熊所師麻城舉人攸縣教諭輔掖來學嘗令其弟某

授經於諸少年督勸以時聞風踵至者室無虛席

例信奉漸人攸縣訓導慕義輕財不以庭脯責弟子

人稱其廉

張舜臣涪川人攸縣訓導端矩殘肅衣冠道貌儼然

多士式之

余廷寶羅江人攸縣訓導持身正大去有遺思

王守約內江人湘鄉教諭學有淵源教有成法督課

生徒寒暑不輟兩枝鄉關所得皆知各士

李鉞東莞人安化教諭端方嚴恪言笑不苟迺士有

方久而不怠

陳時敏莆田人安化訓導學問該博勤於課業

祝應舉通山人崇禎間安化教諭學識淹博舉動端

莊安貧樂道教比蘇湖改學南向一時人文蔚起

吳元中臨川進士原任瀏陽教諭崇禎十年授醴陵

知縣值臨藍寇亂任未一載以城破獲譴夫未竟

其用

朱光真定恩貢任長沙經歷署象醴陵坐鎮雅俗不

事煩苛折獄平情狐鼠屏跡

賴統紹湘陰丞署象醴陵時值西賊被縣死之

長沙府志

卷之二十一 名宦

五

王上庸四川武進士授湖南巡道中軍獻寇至石磯

站部卒鳥散上庸腋挾佛郎機擊賊殺數十人賊

大至火藥已盡猶舉鐵礮奮擊力竭死之其死處

今每聞有金鐵聲

國朝

洪承疇泉州人明進士膺文武重任後歸 本朝順

治癸巳經畧湖廣五省駐長沙便宜行事至卸解

羅織禮遺逸散藪澤之好人心頓定時內外旗兵

數萬士馬雲集承疇身先澹約以清勤鎮服之時

從數騎出入無所呵禁爰老細民咸得至馬首諮

詢疾苦念賦重土荒分遣屯田官給牛種歲徵于粒貸其賦三年增賦十數萬而無損於民江浙各省歲給楚軍米數萬逆流輸運費逾十倍又多覆溺失程之憂承疇酌令改折就近採買湖南粟米賴以流通民得備轉供賦納先是兵民雜處誅茅作屋數被火承疇貸民以錢召陶者爲瓦下令毀明藩故宮牆民爭取之一年之內官府壓市單具一切餽遺概行禁絕士之選於公門者常十數輩監司守令皆其遺補未幾明王衛壁又入黔開滇凱旋日召還被其恩者俱望舟泣拜

長沙府志

卷之二十一

名宦

五

趙廷臣鐵嶺人先爲江南郡丞治行最著民稱趙佛洪承疇入楚請爲參軍借至奏授兵使者分巡湖南時軍興旁午民苦東濕事無大小咸待決焉滿漢各兵營駐郡多所徵需守令惴惴避匿廷臣一身任之吏民恃以無恐盤錯綏悉輒迎刃解遇刑獄極意平反每視事但聞脫械聲計訟細故置不問或不得已下屬吏取具狀辨曲直所擬撻罰悉判免之二三年間吏民相信歲時酬獻無敢以金帛恩之者常夜治文書曉起百函並發左右不得借以私稍暇則褻閱諸史吟詠自喜遷木魯驛傳

參政去之日攀轅卧徹者塞道後謚清獻

徐勇榆林籍遼東人順治丁亥王師開湖南勇以都督鎮長沙約束精嚴兵卒不擾時大饑發粟賑貸衛屬安仁流兵告警勇往勦之冬十月一隻虎等率衆薄城下勇與道府同心誓師勒兵大戰敵益衆城壞卽更築從矢石中督具版鋪兵民帖然城賴以完郡人德之立生祠陞辰沅總兵死難張宏猷三韓人國初長沙知府長才肆應當軍興時公務叢填一切簿書手自裁決不假他人御下以嚴治民以惠尤加意學校待士有禮貧之者歲時

長沙府志

卷之二十一

名宦

天

朔之擢廣西副使

蘇宏謨遼陽人長沙同知時士馬雲集兵民雜處宏謀加意撫綏兵民相安後擢守辰州歷陞貴州按察使子佳嗣康熙二十三年復守長沙重修郡志考核詳明大有史才

子之挺北直進士知湘潭文弱而端靜時當軍興疲於應付積勞年餘與妻同日死貧無以殮蓋齋僕婢一孤扶柩歸民爲墮淚

南起鳳河南進士湘鄉知縣廉介果毅茹蔬飲水官舍如僧盧順治六年地方初闢疫早相繼大兵進



黔屯邵陽餉檄雨下起風力請除荒減徵額三萬  
三千有奇兵馬往來挺身出迎犒款雖驕悍者皆  
爲和輯後以失城罷去經畧洪公稱爲湖南循吏  
第一湘民至今懷之

徐維岑大興人瀏陽知縣初泚任自備蔬食屏絕一  
切供其搜靈除弊詢訪積苦悉達上官二年中均  
圖甲建學宮審丁冊鋤強梗士民戴之以耿介忤  
時去典衣治農童叟泣送於途刻有德政集

朱明魁鐵嶺貢生長沙知縣時大軍雲集供億浩繁  
民役駭懼明魁以慈煦民以恩撫役凡內外八旗

長沙府志

卷之二十一

名宦

无

及各上臺一呼輒應泣任七年與民休息性喜讀  
書樂聞善言奉令墾荒委曲勸諭聽民自便勻圖  
勻役各得其平超陞河南知府

馬其昌杞縣人順治初長沙知縣時湖南初開大軍  
絡繹其昌竭蹶煩勞不勝其瘁竟卒於官囊橐蕭  
然士民哀號如失慈母

孔廷禧順治時長沙知府當亂離後土著逃竄廷禧  
躬親招撫流亡頭集經畧洪承疇統兵駐郡軍供  
浩繁延禧隨設辦糧餉不匱息訟安民割斷明  
夕無冤獄

賈瑤山西貢生湘陰知縣時天下初定風鶴未靜是  
窟居深谷不逞寧處斫力爲招輯城市方有居民  
田疇久荒百里內外茅葦彌望力請上臺除荒數  
萬湘人感之

朱英幟鎮番衛舉人順治中攸縣知縣六載政簡刑  
清禮士尚賢築城垣建學宮修縣志闢書院月二  
課士刻文之佳者曰玉蘭集

汪觀直城人順治時湘鄉知縣時滇黔甫定轉餉煩  
苦觀革羨徵汰苛役令訟者自相勾攝里民輸稅  
者皆使自兌日與邑士較詩評文丹粉不倦泚任

長沙府志

卷之二十一

名宦

辛

期年開母訃憂泣病啞竟不起去日拊棺哭送者  
數百人

于穎然新城人順治時攸縣知縣 王師初收長沙  
穎然單騎入撫不事煩苛通達治體政修訟理民  
賴以安

劉見龍浙江人先令昭化有聲隨經畧洪幕以功授  
湘潭知縣時潭苦馬馳賦賣里逋將盡見龍乃賦  
重幫集流移民殷事舉百廢殫典以能晉秩桂陽  
州尹自城達舟十餘里焚香遮道壅持行舟詰朝  
望者猶爲墜淚